



Cuira, 12.02.2020

POSIZIUN DA CHANTUN DA CULTURA GRISCHUN DAVART IL CONCEPT CHANTUNAL
PER PROMOVER LA CULTURA 2021-2024

Chantun da cultura ha plaschair dal concept

L'uniun Chantun da cultura Grischun beneventa il concept per promover la cultura publitgà dacurt dal chantun Grischun. L'uniun ch'è sa radunada mesemna saira engrazia a tut las persunas ch'èn stadas participadas per lur engaschament e lur veglia da crear ina basa solida per ina promoziun culturala confurma al temp.

Quest concept represchenta l'emprima giada l'entira cumplexitad impressiunanta da la lavur culturala grischuna. Las schanzas e sfidas da la creaziun artistica e lavur culturala sa basan sin la missiva da cultura da la Confederaziun ed èn vegnidas adattadas a las relaziuns chantunalas.

Il concept tegna quint dal fatg ch'il grond potenzial da la lavur culturala en il chantun Grischun n'è anc ditg betg tratg a niz dal tut. Ultra da quai naschan ils accents da promoziun dal basegn da la creaziun artistica e da la lavur culturala e servan uschia sco utensil da sustegn per promover la cultura.

Nus avain plaschair che vegnan definidas sco accents da promoziun l'impurtanza da la participaziun culturala, la diversitad linguistica e regiunala singulara dal chantun Grischun e l'attenziun sin l'optimaziun da las cundiziuns da producziun. Quai signifitga ina meglieraziun substanziala tant per la lavur culturala da laics sco era da professionals.

Il concept per promover la cultura fa attent ad ulteriurs meds finansials necessaris. Nus renconuschain questa pretensiun ed ans engaschchain supplementarmain per realisar effectivamain in rom liant, en il qual ils credits pon vegnir concedids. Quai permetta a la lavur culturala la segirtad da planisaziun existenziala per la cuntinuitad. Uschia porta il concept noss Chantun da cultura in pass impurtant enavant en l'avegnir.